

Bosangeli Nsango # 191–Mokolo mwa Póso sánzá Ya Libwá 5 2026

NDEKO WILLIAM BRANHAM

Mbote Banninga

NDEKO STEVEN

Boyéi bolámu na Bosangeli Nsango Mote Banningá, wapi tomemelaka binó nsango ya nsúka mpe ya eleko beébeé, Mwasi ya libála ya mokili mobimba. Na bongo, mbote mpe boyéi bolámu, bino nyoso. Lelo ezali mokolo mwa Póso, sánzá ya Libwá 5, mpe Nazali Stephen Tutani.

NDEKO WILLIAM

Mpe losáko koúta na biló mokonzi ya Voice of God awa na Jeffersonville, Indiana. Nazali William McMasters. Boye, bozóngi bolámu, moninga na ngai.

NDEKO STEVEN

Matondi, ndeko Will. Ezali mpenza malámu kozónge.

NDEKO WILLIAM

Boye, na bosóló, oyébí, ozalaki na yo mosiká soki moké te lokóla ozaláki na bisó elongó na bosangeli nsango póso eleki wana ozaláki na nzela na kati ya DRC.

NDEKO STEVEN

Óo ee, mobáli. Ezaláki likambo monéne koyóka na nsima. Boni etenéte wana ezilákí káka tíí lapólo ekóma na nsúka. Eká

NDEKO WILLIAM

Káta. Nalingi koloba, mpenzá káka na nsúka.

NDEKO STEVEN

Oyo wana ezaláki Nkóló. Ezaláki pási kozua nkomá na telefóne nsima ya wana. Óo,

NDEKO WILLIAM

Ndeko,

NDEKO STEVEN

Oyebi Nkóló ntango nyoso akofungolaka nzela na ntina ete misálá na Ye mikende libosó. Sikawa tolekisákí ntango malámu mingi kúná. Bókó ya mwa mikolo ya malámu koleka boyebí tolekísákí kuná. Oyebí, mwa mikolo na molúlu ya bana ya mbúla 12 na 15 mpe Camp ya YF ya mikolo mibalé, koningisa na ba nzémbo, matátolí ya káfú-kafu, mpe kosopana ya Molimó Mosanto ya ndéngé wana. Boyebi, bato 69 babátisamákí na mwa mikolo wana, na bongo ezalákí bobúki mbuma ya monéne mpenza.

NDEKO WILLIAM

Masánzoli na Nkóló! Boye, tozalaki mpenza kobóndela mpo ya bino nyoso, mpe ndeko, bato 69 babátisamákí. Eh! Ee, Eh! Mbuma mingi na elanga kobúkama boye, lokóla olobákí, mpe Nakoki kokanga motéma te kozila Námona lapólo mobimba na mwa mikolo mizali koyá.

NDEKO STEVEN

Ee, mobali. Nandimi ekozala likambo monéne. Namónáki bandeko kúná, ndeko Mali, ndeko Marcel. Bazalákí na lipingá ya bato kokanga ba fotó mpe ba videó. Mamá na likambo!

NDEKO STEVEN

Nandimisámí ekozala lisoló moko monéne na yango.

NDEKO WILLIAM

Boye, Nakokí kozila te Nalingi bobélé Námona yango nyoso, mpe Nandimisámí ekozala lipámbolí. Boye, Masánzoli epái na Nkóló. Boye, oyebí, tobóngólí makambo awa mwa moké, ndeko Sephen, Nazali na esengo mingi ete Nakoki komítuna te na ntina ya ekongoleli to tokoléisama nini mokolo nyoso. Nakoki kolia yango ntángo sé ntango. Natiámeli ndelo te káka mokolo mwa Lomíngo, mwa Mísáto, to soko mokolo nini ya póso.

Ezali ntango nyoso ya sika, mpe kozala na Emóniseli wana mpe na pósá wana ya kolia mpo na yango, ndeko. Tozali bato ya libakú malamu. Tozali na libakú malámu mingi.

NDEKO STEVEN

Wana wana nde eloko moko, moningá na ngai. Tokokákí kolamuka mpe kotóna Nzambe mpo ya mokolo moko na moko ya bomoi na bisó, ndeko. Nalingi na ngai káka boni na bándé wana póso eleki olobáki tozali mpenza na esengo tokoki kolia biléi bizángí mokúwa to ndiká kati na yango. Kwángá ikitákí longwá na likolo, máná, mpe Nazalákí bobélé kokanisa, ndeko, ezali ezali káka lokola olobákí. Ntango tofinaka play, ezali mpenza pépélé. Nyoso tosengeli kosála ezali koloba amen amen amen na Liloba moko na moko, ezali ezali libakú malámu monéne, mpe tozalaki kosála yangó na molongó nyoso oyo ya Emóniseli mpenzá. Óo, ezali bongo,

NDEKO WILLIAM

Ya sóló. Óo, Liloba ekobébisa yo motéma ata mbala moko te. Nalingi koloba ekokí kokwéa soki moké te. Ezali bobélé kokóma na yango elengi koleka mpe elengi lisúsu. Ezali mafúta ya nzói likoló ya libángá, lokola azalaki kosolola mpo na yango. Oyébí, Nazali na ngai kaka na esengo kozala mpate. Ee, Nayebi. Tosengeli tózala bongo. Nalingi koloba na ntina ya kitóko ya ndéngé wana. Tosengélí tokóta na lopángo. Alálaka na ekuke. Elóko moko ekoki kokómela bisó te bobélé Álingisa yango. Toliaka na biso biléi ya ba mpate. Tozali kokéngelama. Tokambámí. Nalingi koloba, ezali na esíká mosúsu te oyo Nalingí kozala.

NDEKO STEVEN

Te, te, moningá na ngai, oyo wana ezalaki kitóko mingi. Alobaki makambo mingi na ntina ya ba mpate wana kúná. Óo, asalákí yangó. Nalingáki oyo wana ntango azalákí kúná na mikili ya Ebimelo ya ntango kati ya jeep wana ya British kotála ba mpate wana mpe ezali lokóla ete leló nde leló ekozala nde bendá bíka awa kasi atáláki bango kolanda mobáteli wana ya ba mpate mpe alobáki soko mobateli ya ba mpate atíákí ata mwa litámbé mpate oyo alandákí nsima na ye akotia bobélé litámbé yango mpe moko nsima ya mosúsu mpe batíkáli káka alimá na mobáteli ya ba mpate ezali lokola bazalákí

NDEKO WILLIAM

Na míso na bangó likoló ya moto moko boye bongo te?

NDEKO STEVEN

Óo, basalaki yango. Basaláki yango, mpe Nazali na ngai káka—ezaláki na yango bobélé kitóko. Nabánzi ete Namekákí kokoma eténi ya Liloba oyo Mobateli ya bitonga Mokonzi

oyo otángélákî ndeko Josiah ntango mosúsu wana. Lokóla, ndeko, Natóndí na nsai tozali kolanda Mobateli bitonga Mokonzi wana. Mpe moko na yango lokola olobákí na ntina na Ye kozala na ekuke. Kanísá lisúsu ye kosolola na ntina kotuna mpo ya bato wana kúná, mpúndá, mbalata-púndá, mpe, ezali lokóla oyo kúná mpe mobáteli? Alobaki, ee, azali mobáteli. Atúnákí ba mpúnda na ba mbalata-púnda? Alobi, ee, azali mobókoli ya bibwélé. Kasi oyebi, ntango butú eyíndí kúná, um, akótisí ba mpate na kati ya lopángo. Oyébí, mpe alobákí na ntina na biso nyoso ntango alobaki, Nkóló, sálá ngai mpate, nyoso ekosála Yo, ee, libóndeli na bísó mpenza.

NDEKO WILLIAM

Amen. Ee, Nkóló, sálá ngai mpate. Óo, Nalingí yango. Mpe oyébí, ezali mpenza na makambo mingi na litéya ya póso elekí, mpe ndeko, abétákí mpenza sété kobéta: kendé na mokili mpe téyá Nsango Malámu. Mpe Nalingi loléngé alobákí yango, “Kendé na mokili mpe tálísá. Kotálisa. Óo, Nalingi yango. Óo, ngai mpe lokola. Nde nsúka ya likambo, wana mpenza. Mpe ye, kokende kati ya bantómá wana, oyebí likoló ya pépo, mpe oyébí, ntango káka bayébákí azalákí nani, Nalingi koloba, alobákí esílísákí ye káka wana. Mpe ezali lokóla nde óloba, eh, Nazalaki kokanisa na ntina na yango. Libakú malámu nini oyo bazalákí na yango, bazalákí ata na likanisi te ya koyeba bazalaki kofanda elongó na nani, oyo bakokákí koloba na ye, oyo bakokaki kosolola na ye, ezali lokola nde balongólákí bango biléi na monoko. Ezali lokola ete, eh, libakú malámu nini oyo bazangákí.

NDEKO STEVEN

Ekaniseli ngai moto wana ya kosukola makaká ya bapaya. Oyebi, ezali lokola, ndeko, boni bandimi mingi na mokili mobimba bakokákí koloba, soko názalaka na libakú wana ya kosolola na mosakoli ya Nzambe, Nalingaki názua ntango na ngai nyoso koloba na ye nyoso ya bómoi na ngai.

NDEKO WILLIAM

Amen. Tozali na libakú yango ntango nyoso koyóka oyo mpenza azali na yango koloba, mpe ezali na yango káka eh, boni kitóko makasi! Mpe kasi ndeko Stephen, likambo moko ya kopesa mpiko, ata bongo, Nayókákí ye koloba na ntina na mbóka na yo ntango azalákí kosolola na ntina ya makita ya Afrika Ya Ngelé. Alobaki ete Mokonzi mwasi ya Rodesia akendeki na engbunduka ya makalo 27 etóndákí meké, to

engbunduka, to makalo matóndáki na bato kouíta Rhodesia kokende na makita.
Nakanisáki ezaláki oyebi oyo

NDEKO STEVEN

Ezalaka ntango nyoso oyébi, koyóka mbóka na yo kotángama likolo ya bande. Atúnáki Ndeko Billy soko ezaláki engumba nini, mpe ezaláki Salisbury. Nde Harare. Nde boyebí mboka na bisó epai wapi biló ya VG esika nazali sikawa mpenza. Mpenza mpenza, awa awa kati na Zim, epái wapi akutanaki na bango, na na nsima alobi mpo na káka mpo ya ngai ezaleli ya ndenge mosusu. Akutanaki na baoyo kati na kati na kati na Rhodesia. Bazuaki loléngé ya ezaleli wana, lokola alobaki. Kasi Mokonzi mwasi oyo atámbolaki mobembo mosíká kino na Duban mpo ya makita wana, mpe ezali na yango káka likambo monene kosangana na loléngé ya kondima wana, oyébi.

NDEKO WILLIAM

Ee,

NDEKO STEVEN

Mpe Nalingí kosolola na ntina na mobembo na ye ya Afrika. Oyebi, kotéya na balimboli, lolaká abimísákí ndaká, mpe asengelaki koyebisa eloko ya nsúka alobáki, mpe bóni lisoló na ye na Thomas ezaláki. Alobaki, “Nakanisáki bobélé ete ezaláki nkómbo ebongáki na ye. Ezaláki likambo monéne. Kasi ezongi na yango kaka, lokola olobaki, kotálisa. Oyebi, atúnákí baklisto wana, “Bokolinga komóna Yesu Klisto oyo boyókakí na ntina na Ye kosala makambo yango moko sikawa mpenza? Wana, wana, mpe atálisákí, mpe 10000 na bangó bayáki epái na Nkóló.

NDEKO WILLIAM

Masánzoli. Boni

NDEKO STEVEN

Bikámwa bi azali naino kotálisa. Ee, lotómo yango moko ya Elia likolo na bándé ezali naino kotálisama. Tozalaki na mwa litátoli kitóko. Nakopesa yango awa mpenza na nsuka, wana tozali kosúkisa. Tozali koyoka Eleko ya Lingómbá ya Sumulúna kokitana oyo mpo ya ntango oyo, mpe na moko ya milúlu na bisó ya losámbo awa na biró ya VGR, mpe tozalaki na ndeko mobali moko azalaki kotambola, elengé mobali, kasi oyebi

okokaki koloba ete azalaki koleka na makambo kili-kili, koloba kaka na bokuse. Mpe afandaki na nsima, mpe bazali lokola kotala ya malamau. Emonanaki lokola nde aútáki bebele na balabala, soko okolinga náloba bongo. Mpe afandaki na nse kuna, mpe kasi a bamónáki azalaki mpenza kolanda na bokengi oyo Ndeko Branham azalaki koloba kati na litéya.

Akangamáki mpenza na kati, mpe na nsuka ya bándé, Ndeko Branham atunaki baoyo balingaki kopesa mitema na bango epai ya Nkolo, to oyebi koyamba Nkolo Yesu to ndele bátelama. Mpe moko ya basungi bakitani amónaki ye. Atelemaki mpe atalaki zingazinga, mpe bato mingi te nde batelemaki. Boye azongaki na ye kofanda na nsé, mpe nsima ya mwa ntango, atelemaki lisusu. Oyebi mpe mpe Ndeko Branham abondelaki mpo na ye, mpe mosungi mokitani alobaki, “Ngai mpe natelemaki. Mpe na nsuka ya libondeli, Ndeko Branham alobi, “Boyebi, totóndi Nkolo mpo ya bato misato wana batelemaki,” mpe ezalaki na bato misato nde batelemaki kati ya losambo na ntongo wana, boyebi, eyano na kobianga wana longwá na mosakoli. Boye lisoló nsima na yango ezali ete azalaki kolala kati ya makáyá mpe minó ya kolangisa mpo na mbúla mwambe mobimba kobuna na oyo. Azalaki nde mombo na yango mpe kanza kati ya kotomboka-tomboka. Akokaki kotika te. Soko atikaki mpo ya mwa ntango bilembo ya kotombokisa ye bimonanáki. Ezalaki likambo moko ya pasi mingi. Esengeláki letá akóta na kati mpo ya kopekisa ye ásala bato mabe te. Kasi nsima ya losámbo wana, abimaki libánda, nalekisaki bobélé mwa ba sekónde elongó na ye, mpe alobáki eloko moko ekómáki na kati kuna. Eloko moko ekomáki, boyebi. Mpe azalaki komeka koyebisa yango, kasi boye, nsima ya mwa mikolo, baboti na ye na ye bazali bandimi. Tatá na ye azali mobáteli mpe motéi kati ya etíndá, mpe babétákî lisoló. Nkolo akangoláki ye mobimba longwá na libondeli wana moko. Bamekaki nyoso bakokaki komeka esimbáki te, kasi ntango atelemaki na losámbo wana ya Eleko na Lingómbá ya Sumulúna, Nkolo Abikisaki ye mobimba. Abandaki kosunga na moko ya misala ya VGR epai wapi tokendeki esili koleka mwa póso, mpe baboti na ye bakokaki kondima te ete bakozala kotambola elongo na ye mpe batáláki ye káka ndené wana mpe bandimi bobélé kondima. Mpe Nakanisaki káka na ntina na yango. Oyo wana, ndeko, na petee, kasi kotálisa naino nguya oyo ezali likoló ya ba bándé wana mpe kati ya Liloba wana. Eh,

NDEKO WILLIAM

Bilembo mpe bikamwiseli kolanda bandimi, moninga na ngai. Ee, izali kolanda bango. Lotómo oyo ya ba bándé ezali lotómo ya bomoi.

NDEKO STEVEN

Ee, ezali bongo, soko

NDEKO WILLIAM

Yango ezali kotálisama ya nguya te Nayebi te ezali

NDEKO STEVEN

nini. Óo, oyo ezali ya sóló mpenza lotómo ya bomoi oyo ezali. Masánzoli epai na Nkolo!

NDEKO WILLIAM

Eh, masánzoli na Nkolo. Póso mibalé libosó ya biso kokende na bopemi na biso ya ntango ya moi makasi, libóké ya basáli ya biló ya VGR ya Zambia babongisáki kokende mosálá makási na epái ya etúká ya likoló ya mboka. Ezali etúká monéne mpenza ya bitúká miké 12, mosúsu na yangó ikabwáni na biló ya Lusaka na ntáká ya ngonga 17 ya bokúmbi mótuka, lokola tosimbaki yango moké na eténi ya 186. Kino sikawa, bandimi oyo bazalaki kosungama bobéle na mwa ndambo ya búku kouíta na ebómbelo ya búku na Lusaka. Ntango liyebisi liyaki ete nsúka-nsúka ba Agapao Tablets ikokómela bango, bandimi bayambaki nsango yango na esengo monéne. Bóyóka lapólo ya ndeko Maurice.

NDEKO STEVEN

Na mokolo ya sánzá 13 ya sánzá ya Nsambo, tolongwáki Lusaka na ngonga ya minei ya ntongó mpe tokómáki na etélemelo na biso ya libosó na Kisama nsima ya ngonga ya 5 nsima ya nzángá. Mokolo molandaki ebólo monene mpenza ya bato pene ya bandimi 1000 kouíta na Kasama, Mungui, mpe Lunte bayáanganáki na esika moko na ndelo ya etéyelo, atako tokokaki koyemba te mpo ete mimekano mizalaki kosalema na eteyelo na ntango wana, molungé kati na molimo etóndáki na esengo mpe botósi. Oyo wana esengelaki kozala makási, ndeko Will. Bosenga ya koyemba ezaláki te. Nalingi koloba, ntango nyoso tozali na esengo, tolingi koyemba. Óo,

NDEKO WILLIAM

Ya solo mpenza

NDEKO STEVEN

Kasi na bongo, lapólo ekóbí. Bolimboli na ntina ya Agapao boyambamáki na nsai monéne, mingi mingi lokola bandimi bamónaki ba videó ya bomókó kati ya bondeko kouíta na mbóka isúsu. Na nsúka ya mokolo molaí, Agapao Tablet 877 izalaki isíli kokabwama, na manáka mazuáki pene ya ngonga 12 bandá ntongó kino 6:30 na mpókwa.

NDEKO WILLIAM

Wana nde mokolo molaí.

NDEKO STEVEN

Wana mokolo moko molaí mpe ba Tablet mingi. Eh! Akóbí. Na nsima mobembo na bisó momemáki biso na Mpulúngu, etúká moké ezuámi kati ya nzubú ya Libeke monéne ya Tanganyika, Libeke yangó lisangísí Zambia, Burúndi, Tanzania, mpe DRC. Bolobi nde bato bazali kobikela mingi awa, kasi na mokolo oyo, koléisama na molimó nde bato basengeláki na yango. Bandimi kouíta na pene mpe mosiká bayanganáki kati ya Eyánganelo moko ya Etíndá, wana bókó baútáki na ntáká ya ba kilometele 100 komibakisa na lisangá ya bondeko. Tokabóláki Agapao Tablet 333. Esengeláki kozala motángo ya sóló. Ezaláki likambo monéne mingi mpenza eyeísákí mpiko komóna ete Mangómbá ya Etíndá kofungola bikuke ya bangó polélé mpo ya mosála oyo, kotia gbagba kati ya biyánganelo bikabwánáki. Ezali likambo monéne boni etíndá oyo ezali kosangisa Mwasi ya libála.

NDEKO WILLIAM

Amen. Kokóma na esiká na bisó ya misáto na Lunte ezangáki mikakatano te. Etenéte mabé masoló kozánga koyókama malamú esaláki ete tolekáki esiká yangó na kilométele 60, epúsáki bisó kozónge lisúsu, ata bongo ntango tokómáki, bandimi bazalaki kozila na motéma molai. Mingi bamónisáki mbeka monéne. Bókó batamboláki na makolo mpo ya ngonga mibalé, basúsu batámbwisáki ba veló mpo na ngonga moko, basúsu lisúsu batiaki makoki ma bango esika moko mpo ya kofutela mótuka kokumba ngonga minei. Ezaláki pámba te, mpe bazuáki oyo bayelaki. Na esika yango tokaboláki Agapao Tablet 67. Ata ko bato bazalaki bobéle mwa ebólo moké, koyémbe na bango eyókamáki lokola nde ebele monéne kotómbola masánzoli epai na Nkólo. Ndeko Stephen, ntango ndeko Maurice alobáki ete ezalaki mwa ebólo moké ya bato, nzókandé

eyokanáki lokola ebelé monéne kotómbola masánzoli, azaláki kolekisa ndelo te. Eh, koyémba nini ya kitóko boye!

NDEKO STEVEN

Ezalaki likambo monéne.

NDEKO WILLIAM

Óo, Nalingi yango. Boye, akóbí. Nsima na nsima ya nzángá, tokómáki na Porto Coso, mpe mokolo molandáki, tokabolaki tablet 74 na mabóta kouíta na bitúká bike bibalé bikabwani na ntáká ya ba kilométele 70. Veló mpe tuku-tuku nde izaláki ndengé malámu ya kosala mobembo, mpe bandimi bayáki na bosémbo nyoso, na etingía ya kozua Liloba.

Lokolo ya nsuka nde ezaláki nsúka ya pási, na nzela ya mabángá, na kilométele 198 longwá Maporacoso. Na kilométele 120 na nzela ya mabángá. Tokómákí na Luingo nsima ya 8:00 nsima ya nzángá. Mokolo molandáki, topesamáki mbote na bandimi kouíta na ntaká mosíká mosiká. Bókó na bango bakúmbáki tuku-tuku na ntáká ya kilométele koleka 150 na nzela ya bilanga, mbala mingi komema bato misato to minei na tuku-tuku moko. Mingi badéfáki veló ya bazalani, na mokáno ya kobóya kozanga kozua Etindá na lokóta ya bango babótamáki na yango. Na Luwingu tokabólákí Agapao Tablet 139 oyo iyambamáki na komísokisa mpe botósi libosó ya Nzambe ya bandimi,

NDEKO STEVEN

Mobembo oyo ya libosó na etúká ya epai ya likoló ezaláki na mbala yango moko komema na komísókisa mpe kotómbola. Kati na mobembo tozalaki batátoli ya ngolu ya Nkóló mpe bozindó ya bolingo ya bandimi mpo ya Etíndá mpe motíndami, mosakoli na bisó, Ndeko Branham.

Kokesene nyoso itiámáki pembéni kosangana zingázingá na Liloba. Babáteli basaláki mosalá monene koléngéle bikútanelo mpo kobongisa mayangani ya bato na ntango ebongi. Bandeko mosúsu na boyambi nyoso bapesáki ba ndako na bango, mítuka na bango, mpe misalá na bango kosala ete bokaboli elonga. Mingi bamónisáki matondi ya mitema na bango mpenza mákómela Ndeko Joseph mpe VGR mpo ya bolingo ya ntango nyoso mpe lisungi epai ya Mwasi ya libála ya mboka Zambia, kopesa bisáleli bizali kokóba kokembisa kondima ya bango. Tozali mpe kotóndo ye mingi mpo ya kotiela bisó motéma ete tokoki kosala mosalá monéne oyo, mpe bandimi nyoso ya

mokili mobimba baoyo bazali kokóba kotelema nsima ya emónoneli ya Voice of God Recordings. Na ngolu ya Nzambe motángó ya Agapao Tablet ikabwamáki kati ya mobembo mobimba ya mikolo 12 izaláki 1490. Tozóngaki ndako na ntango mpenza mpo ya komibakisa na biló ya VGR ya Jeffersonville mpo ya ntango ya bopémi. Shalom, Ndeko Maurice, biló ya VGR Zambia.

NDEKO WILLIAM

Na bongo, matóndi, Ndeko Maurice, mpo na lapólo wana ya káfú-kafu. Nalingi koloba, ezali likambo monene. Tablet 1490 kati ya mikolo 12. Eh! Nzambe ápambola yo mingi na ebólo mobimba, mpe matondi mpo na nyoso bozali kosála. Boye, bózala kotálela lelo mpo ya videó na app na biso ya Lifeline likoló ya mobembo monéne oyo, mpe depatemá ya videó basaláki mosála monéne, mpe Nayebi binó nyoso bokosepela na yango. Wana tokei na mbóka mozalani Mozambique, na ntango ebólo ya Zambia bazaláki kozonga na mobembo na bango ya bokaboli, Ndeko Lee Kufa na óya ye ebólo kati na Chamoy bazaláki kati na boléngeli Ntango ya Kimia ya bango ya mibalé. Esiká yango ezaláki libánda ya engumba, boye tobongisáki kozala na bilenge nyoso bakende na esiká yango na bisi lokola mingi na bango bazalaki na lolengé ya komísunga te mpo ya kokóma kúná. Na bilengé pene na 350 baoyo bakomámáki nkómbó ete bakozala, esengeláki mpenza komiléngéle malamú lokola bisi ezaláki na makokí ya komema bobele bato 50 na mbala moko. Na bongo topesáki liyébisí, tofútéláki ba bisi mpe totiaki mwango na bisó na mosálá. Bóyóka lapólo ya Ndeko Lee.

NDEKO STEVEN

Na mokolo ya sánza 25 na sánzá ya Nsambo, ebólo monene ya bilengé 356 babandáki kokóma na esika ya ematelo ya bisi na ntá ntóngó, kondimisama ete bázánga te komemama na esiká ya molúlú ya Ntango ya Kimia. Koyangana yango ezalaki mpenza mamá na likambo mpo ya bilengé mpe epésáki bango libakú malámu ya kozala na bondeko na Nzambe mpe kati na bango moto na moto. Ntango ya molúlú, toyíkísáki bilenge mpiko ete bákoba na ba quizzes na bango ya ba bándé mpe báumela kofungola motema koyamba Mongóngó Nzambe Atindeli bisó na libóta oyo. Ntango ya kimia ezalaki libakú moko ya godi mpe ntango mpenza ya kimia elongó na Nkóló. Nsima ya ntango ya kimia bilengé basepélaki na ntango ya biléi ya mói oyo epesáki bango libakú ya koyebana kati na bondeko lisúsu koleka. Nsima ya biléi wana, bazalaki na masano ndengé na ndéngé mpe kobíka mpe kosála kati na lisangá, etiáki móto na

mitéma na bisó komóna lolengé bilengé oyo koya elongó, koseka mpe kosepela elongo kati na molungé ya kokamwa ya molimo.

NDEKO WILLIAM

Mamá na likambo na mokolo yango ezalákí nde litéya ya nguya: “Ndimá ete Azali Nzambe. Oyo litéya yango esalákí ekoki kotiama na maloba te. Ebétéki ngonga mpenza na bozindó ya mitéma ya bilengé. Mosakoli ye moko azalaki koloba na bango mbala moko alimá, mpe etikakí elembo ya koumela. Bilengé bamónisakí matóndi ya mitema na bango epai ya VGR mpo ya bobongisi molúlu mosúsu, koloba ete epésákí mpiko mpe ebóngóli bomoi. Kati ya masoló na bókó na bangó, mingi balobaki ete bomoi ya bango ibóngwáni mpenza mobimba bandá káka bayákí na molúlú ya libosó, kotalisa boni kokútana oyo isáli mosala monéne kati na moko na moko na bango. Ntina kútu ya kozongela maloba te ete molúlú ya mibalé ya Ntango ya Kimia ezalákí mpenza elonga. Nyoso elekákí malámu, mpe tokokákí komóna polélé lobóko ya Nkóló kokamba bisó kati ya komíléngela mpe na mokolo ya molúlú. Nzambe ápambola bino nyoso, Ndeko Lee Chamoya Mozambique.

NDEKO STEVEN

Ndeko Gerald Bautenkamp, moyángeli ya biló na biso ya VGR ya Pótó, aútákí kokende mobembo epái wapi akútánákí na libóta moko ya Rusi na ngelé ya Alemányi, baoyo bapesákí litátoli na ntina na Ndeko Victor, oyo azali sikawa mokangami na bolóko moko na Monyele ya Ukraine, oyo azuaki búku ya etindá mpe ba kaséte esili koleka pene ya mbúla 20. Libóta oyo ya Rusí bakótaka ntango nyoso na bikanganelo ya mipepe ya VGR kotánga eteni ya Liloba ya mokolo na mokolo mpe balandaka manáka ya Eyanganelo Ya Branham. Mokolo moko ntango bazalaki na molongó ya mipepe, bazuaki motúná koyela bango kouíta epai ya ndeko mobali moko soko bazalaki bandimi mpe bandimákí Nzambe. Na yango bayanolákí, “Ee, tondimaka Nzambe mpe tondimí mosakoli oyo Atindí lelo oyo. Ndeko ayanóli, “Ngai mpe nayambí etíndá. Lokola bakobaki kosolola na nzelá ya nkomá na ntina ya etíndá, batunaki ye, “Ozali moto ya wapi?

NDEKO WILLIAM

Ayanólákí, “Nazali na Ukraine mpe naúméli na bolóko mbúla 25. Ayebisi bango ete akwéákí kati na ebólo ya baningá mabé mpe abandaki kosalela makáyá mpe nkisi ya

kolángisa mpe bomoi ya bala bála. Akangamáki mpe atiamáki na bolóko mpo ya bomoi na ye mobimba. Eleki pene ya mbúla 20, ntango azaláki na bolóko, moto moko akendeki kotála ye mpe ameméláki ye ba búku na ba bándé. Nsima nde azuaki ndambo ya ba CD. Alobaki ete kozua biloko wana ezalaki lokola nde moto ameli máí ya mpío nsima ya kolekisa mbúla mingi kati na lisobé

Molobi 1

Eh! A

NDEKO WILLIAM

Zaláki nde na mpósá. Bandá wana ayambi Nkóló kati na motema na ye mpe akómí mondimi ya etíndá ya Ndeko Branham, zambi bakangami bazali na ndingisa ya kosálela etenéte, bayebisáki ye na ntina ya Website ya VGR, Lifeline, mpe Eteni Ya Liloba Ya Mokolo na Mokolo, mpe lolengé akokáki komizuela matéya na lokótá ya Rusi. Bayebisaki ye makambo nyoso, mpe azalaki namakoki kokóta na Website mpe kozua biloko nyoso.

NDEKO STEVEN

Na nsima atúnáki, “Bokendeke na losámbo wapi? Bayanoláki, “Tokútanaka na bisíká ya Likoloó na Mwasi ya libála ya mokili mobimba, mpe bayebisáki ye bakútanaka lolengé nini mpe ndéngé bayókaka bándé yango moko na ntango yangó moko elongó na mwasi ya libála ya mokili mobimba. Atóndáki mpenza na esengo mpe andimanáki na oyo bazalaki kosala. Asengaki libóta wana koloba Nalómbi bino ete bókanisa ngai na mabóndeli na bino ete mokolo moko nabimisama na boloko. Ayambi Nzambe mpe azali kosala nyoso ya makoki na ye kosálela Ye. Ata atikáli na boloko, alobaki ete azuí bosómi longwa na bomoi na ye ya kala. Mpe alobaki ete ezali petee te kozala awa na Monyele ya Ukraine. Tozali na esika ya bitumba epái wapi móto mozali kopela ntango nyoso, tozali koyóka lokito ya ba bómbe mpe mandóki masúsu manéne kotatalika mói na butú. Okoki mpenza te kozala pépélé mpe na kimia kati ya bolóko. Pósa na ye ezali ete bitumba bíkóma na nsuka noki, mpo ye akoka mpe kozua bosómi.

NDEKO WILLIAM

Balobaki ete bazalaki na esengo ete bakokaki kopesa ye Website ya Branham.org mpe sikawa azali na ndéngé ya koyóka matéya na lokóta ya Rusi wana ezali ye na bolóko.

Ndeko ayokáki ete ayikisamáki mpiko, mpe alobaki ete ayikisámi mpiko, mpe alobaki ete epési ye makasi ya kokóba, na boyébáká ete makambo nyoso makoki. Atátweláki mpe bakangami mosúsu kati ya bolóko na ntina na Nkóló. Azali kobóndela elongó na bango mpe kosala nyoso akokí. Bolimbisi, bokanisa Ndeko Victor kati na mabóndeli na binó. Nzambe ápambola bino, Ndeko Gerald Boutenkap, Voice of God Recordings, Biló ya Pótó.

NDEKO STEVEN

Mpo ya kosukisa, litatoli oyo liúti epai ya ndeko mwasi moko na mboka Kenya oyo abúngisaki zémi mibalé. Totii motema ete litatoli na ye likopesa kondima na yo makási mpe ékoka koyíkisa mpiko ye nani akoki kozala koleka na momekano ya motindo moko na ye. Litatoli na ye litángámi boye, “Bandeko Balingami, mbote kati na Nkómbó na Yesu. Nalingi napesa bino litatoli oyo nabátéli mpo ya mwa ntango. Nsima ya mwana na bisó, Nakokáki kozua mwana ya mibalé te.

Nabúngisaki zémi mibalé, mpe kobúngisa zémi ekómáki likambo monene epai na ngai. Nabandáki komíyóka pási. Nakokáki komema mokúmbá ya mwana ya libosó te, oyo azalaki naino moké mingi na ntango wana. Kasi mobali na ngai atélémáki elongo na ngai. Nakendeki komónana na minganga mingi baoyo basalisáki ngai mpo ya makono mingi, kasi nyoso wana ezaláki mosalá pámba. Nakokaki koyóka malamú te. Mobali na ngai abeteláki ndeko mobali mosúsu lisoló na ngai, oyo azali mobateli, mpe ndeko oyo abongiseláki bisó elambá ya mabóndeli mpe atindeláki bisó yango. Ntango tozwaki elambá ya mabóndeli, Nabandaki kobondela éngébéne na malako ya Ndeko Branham. Nsima ya mwa mikolo, tokendeki komóna monganga mpo ya mbala ya nsúka zambi nazaláki naino komiyóka mabé. Monganga azuaki ntango na ye nyoso kotúna bisó tóbétela ye lisoló ya bokono ya mbúla mobimba elekáki. Mpe ezalaki nsima na yango nde mónganga alobaki na ngai nátika komela nkísi nyoso napésamáki, ete nákende komona mónganga ya makambo ya motó kotámbola. Alobaki ete nazalaki koleka na makambo nyoso wana mpo ete Natungisamáki na ntina ya ba zémi na ngai kolongwa mpe kozanga kozua mwana ya mibalé. Mónganga ya makono ya motó akomelaki ngai mwa nkísi ya kopesa kimia na motó.

NDEKO WILLIAM

Nakóbáki kobondela, mpe mwana na ngai moké ya mobali, oyo azalaki na mbúla mitáno na ntango wana, tobandaki kobóndela na ngonga ya 9 ya ntongó, na nzángá

mpe na ngonga ya 3 nsima ya nzángá. Tatá na ye atúnáki ye mokolo moko, “oyébisaka Nzambe nini ntango obóndelaka? Mwa mwana mobali alobi, “Nasengaka Ye ápesa ngai léki ya mwasi. Wana kitóko mingi.

NDEKO STEVEN

Ezali yango.

NDEKO WILLIAM

Ezalaki na kati-káti ya mbúla 2020, ntango bokono ya COVID bozaláki konginda. Nsima ya kozua elamba ya mabóndeli mpe kobóndela na etingiá na sánzá ya Zómi na Mibalé 2020, Nayéi koyéba ete nazaláki na zémi. Nabátelaki elambá ya mabóndeli elongo na ngai ntango nyoso. Sánzá mitano nsima mónganga ayebisáki ngai ete likámá ya zémi kolongwa lisiláki koleka, na nsima nde toyebaki ete nazalaki nde na zémi ya mwana mwasi.

NDEKO STEVEN

Masánzoli epái na Nkóló

Bokono ya

NDEKO WILLIAM

mayéle kotámbola bosiláki na yango, mpe Nazali sikawa na nzóto kolóngónú. Mpe mwana na ngai moké ya mwasi azali sikawa na mbúla mibalé. Ezalaki bobéle nsima na bisó kozua elambá ya mabóndeli nde minganga bakokaki mpenza koyeba likambo na ngai malámu. Napesi matondi mpe Nkémbo nyoso epai na Nzambe ya Nguya nyoso mpo ya kobikisa ngai. Nzambe azali naino kobikisa na nzela ya bilambá ya mabóndeli kati na kondima. Nzambe ápambola bino nyoso lokola tozali kokóba libosó, Mpe nabóndeli ete likambo oyo nabiki likoka kozala koyikisama mpiko epai ya moto moko oyo akoki koleka na likambo motindo yango moko. Nzambe Ápambola bino. Ndeko mwasi Jane útá Kenya.

NDEKO STEVEN

Óo, oyo mpenza likambo monéne koyóka boni Nkoló ayéláki libóta wana lisungi, mpe Apesaki bango mwa lipamboli mosúsu ya ndengé wana na kati ya ndako na bango. Oyebi, ekaniseli ngai ntango Ndeko Branham boni oyebi zabolo azali kobómbana, kino elambá wana ya mabóndeli eyáki nde bakokaki koyeba likambo nini nde ezaláki

kotungisa bango. Mbala mosúsu azali kobóndela na molongó ya mabóndeli, ezali lokola Satana, obómbanéláki minganga, okoki te kobómbanela Nkóló.

Molobi 1

Amen. Ee,

Speaker 1

NDEKO STEVEN

Oyo ezali mpenza litatoli mosúsu ya loléngé wana. Matondi, Ndeko mwasi Jane. Tozali na esengo mpo na yo, mpe Nzambe ápambola libóta na yo.

NDEKO WILLIAM

Amen. Boye, na liloba wana, nde esúkisi eténi ya lelo. Sénzélá kozala kotála-tala kati ya póso mpo ya nsango ya sika na Branham.org, bilekelo ya WhatsApp, mpe Lifeline app.

NDEKO STEVEN

Lokóla ntango nyoso, matondi mingi mpo ya komibakisa na bisó lelo. Soko Nkóló alingi, tozali kotálela lisúsu ete tómónana na bino lisúsu póso ekoya. Mpe libosó tólongwa, ata bongo, tokolinga tókabola na binó ba nzémbo ya káfú-kafu kouíta na bandimi ya Zambia útá na mobembo ya Ndeko Maurice ya nsúka. Kino ntango ekoya, tiká ete Nzambe ápambola bino mingi na koleka mpe Shalom.

NDEKO WILLIAM

Shalom. Óo, Nalingi Yesu libosó. Óo, Nalingi Yesu! Óo, Nalingi Yesu! Óo,

Molobi 1

Nalingi Yesu mpo ete Alelúya. Óo, Nazali na bozindó. Nazali

Molobi azáangi koyébana

bozindó. Alelúya.